

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.10.2018թ. թիվ 1808661342 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<12>> 11 2018թ. 17-13-115984-18/17-13-10980

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արթուր Ամիրադյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Բոյուսովի փողոցի 21 շենքի 2 բնակարանի բնակիչ Արթուր Ամիրադյանը դիմումով հայտնել է, որ <<HONDA>> մակնիշի 26UU382 հաշվառման համարանիշի տրանսպորտային միջոցը վարել ինքը, ուստի խնդրել է անվավեր ճանաչել տվյալ ժամանակահատվածում կատարված երթևեկության կանոնների խախտման համար կայացված ճանապարհային ոստիկանության վարչական տույժ նշանակելու մասին 16.10.2018թ. թիվ 1808661342 որոշումը՝ նշելով, որ չի կատարել իրավախախտում , քանի որ տվյալ հատվածում տեղադրված է 70 կմ/ժ ճանապարհային նշան և նշանից հետո առկա են հատվել ճանապարհներ:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Արթուր Ամիրադյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ հետևյալ պատճառաբանությամբ:

ՀՀ ոստիկանության ճանապարհային ոստիկանության ճանապարհային երթևեկության կազմակերպման հսկողության բաժնի կողմից տրված տեղեկանքի համաձայն՝ Արագածոտնի մարզի Հարթավան գյուղի տարածքում՝ 3.24 (70 կմ/ժ) <<Առավելագույն արագության սահմանափակում>> ճանապարհային նշանը և արագաչափ սարքի մասին տեղեկացնող ցուցանակը տեղադրված են երթևեկության մասնակիցներին տեսանելի վայրում: Տեղադրված ճանապարհային նշաններից մինչև արագաչափ սարքը ընկած հատվածում առկա են հատվող դաշտամիջյան ճանապարհներ, որոնք չեն համարվում խաչմերուկներ:

Հայաստանի Հանրապետությունում տեղադրված բոլոր արագաչափ սարքերը ստուգաչափված են Հայաստանի Հանրապետության տնտեսական զարգացման և ներդրումների նախարարության <<Չափագիտության ազգային ինստիտուտ>> ՓԲԸ-ի կողմից և դրանց արձանագրած արագությունը համապատասխանում է տրանսպորտային միջոցների փաստացի արագությանը:

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 3-րդ հադվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը:

Դիմումատուին վարչական պատասխանատվության ենթարկելու մասին որոշման հիմքում դրված լուսանկարում նշված է տրանսպորտային միջոցի երթևեկության գոտին, ուղղությունը, ինչը չի կարող կասկածի տակ դնել իրավախախտումը հենց այդ տրոնսպորտային միջոցով կատարելու փաստը:

Այսպիսով ակնհայտ է, որ Հարթավան գյուղի հատվածում տեղադրված արագաչափ սարքով արձանագրվել է դիմումատուին պատկանող տրանսպորտային միջոցի արագությունը՝ 94 կմ/ժ, ինչը գտնվում է Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 2-րդ մասի տիրույթում, հետևաբար դիմումատուին վարչական պատասխանատվության ենթարկելու մասին որոշումն իրավաչափ է և այն բեկանելու որևէ հիմք առկա չէ:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Արթուր Ամիրադյանի՝ Ճանապարհային ոստիկանության վարչական տույժ նշանակելու մասին 16.10.2018թ. թիվ 1808661342 որոշման հիմքում դրված փաստական հանգամանքների դեմ բերած գանգառը թողնել առանց բավարարման:
2. Հանձնարարել ՏՄՀԽԱ կենտրոնին, Արթուր Ամիրադյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Արթուր Ամիրադյանին և ՃՈ ՏՄՀԽԱ կենտրոն:

Կատարող՝ Ա. Ղափլանյան



Ե. Կարապետյան